

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Sectio X. Momenta Precum frequentium Pontificium, ut Concilium
Tridentinum in Galliâ publicaretur.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

SECTO IX.

Utilitas, quam Gallia, respective ad Curiam Romanam, traxit nolendo publicare Concilium Tridentinum.

Quò magis attendimus ad ea, quæ gesta sunt propter denegationem publicationis Concilii Tridentini in Galliâ, eò magis agnoscimus, eam denegationem Galliæ utilem fuisse. 1. Quidem omnes molitiones Curia Romana, sive mittendo Nuntios & Legatos, sive urgendo Regios apud Pontificem Oratores, tum machinationes, quas à fâctione Hispana Catholica, nec non ab aliquo Episcopis Sedi Apostolica devotis fieri procuravit, adeò, ut illud publicaretur sine consensu Regio, ostendunt, illam Curiam credidisse, publicationem esse necessariam, ut Concilium haberet vim Gallos obligandi. Porro, opinio illa tam sè manifestata notabiliter confirmat regulam Gallicanam circa necessitatem publicationis Legum in locis ipsis, ut eorum incolas obligare valeant. Hinc eo majus in Galliam commodum oritur, quòd illi ipsi, qui hanc regulam criminantur, multoties eam solemniter approbaverunt.

2. Jus Galliæ competens modificanti Decreta Pontificum, & Conciliorum Generalium, validam confirmationem accepit ex deliberationibus vario tempore factis publicandi Tridentinum cum aliquo ex his clausulis, sublato eo quod tranquillitatâ nationis officere posset: salvis exemptionibus Capitulorum: salvo jure Regio: salvis Libertatibus Ecclesiæ Gallicane, aliis-ve similibus à Curiâ Ronanâ approbatis. Nam, præterquam hoc hæ clausula inferta fuerunt Edicta, quod HENRICUS IV. meditabatur, & CLEMENS VIII. approbaverat: credibile est, Cardinalem d' OSSAT qui plures scripsit, omnia obſtacula vinci posse unius Salvo ope, id non facturam fuisse, nisi certus fuisse, Pontificem consentire receptioni cum modificatione.

3. Quantum certum est, Pontificem CLEMENTEM VIII. dispositum fuisse ad approbandum publicationem Concilii Tridentini cum clausula salvis Ecclesiæ Gallicane libertatibus, tantum emolumenti cepit Gallia ex eo, quòd Pontificem ad autenticam approbationem Libertatum suarum adduxerit resistendo publicationi, quam cupiebat.

4. Quamdiu Pontifices aliquam spem habuerunt impetranda publicationis Concilii Tridentini in Galliâ, tamdiu faciles fuerunt in concedendis rebus, quas petebat. Plura exempla afferre facile foret, verum sufficiet allegare absolutiōnem HENRICI IV. quam Rex Hispaniæ tantis conatibus Romæ impedita, quæque tandem concessa est ob spem, quòd Rex publicationem Tridentini in Galliâ procuraret.

SECTO X.

Momenta precum frequentium Pontificum, ut Concilium Tridentinum in Galliâ publicaretur.

Cum attendimus ad Sedem, quam in Ecclesiâ obtinet Pontifex, qui est caput ministrorum à Spiritu Sancto positorum ad regendas animas fidelium, proclives sumus ad credendum, molitiones Pontificum ad obtinendam publicationem Concilii Tridentini in Galliâ profectas esse à zelo salutis animarum; sperabant quippe, fore, ut Decreta istius Concilii valde idonea essent ad morum reformationem, atque eorum publicatione restitutum iri rectum ordinem.

Sed, dum consideramus, quòd, licet alios supra homines erexit, nihilominus homines sunt, quodque magna sublimitas humanam sè infirmitatem auget, possumus absque injuriâ præsumere, quòd amor sui ipsorum emolumenti multum contulerit ad vehemens illorum erga publicationem studium. Nam Tridentinum plura confecit Decreta Sedi Apostolica honori-

fica: talia sunt 1. Illud quod Pontificem Concilio Generali præponere videtur, petendo à Pontifice confirmationem omnium Tridentini Constitutionum. 2. Illud, quod declarat, mentem suam non fuisse, ut Pontifica autoritas ullo suo Decreto restringeretur, salva in omnibus Sedis Apostolica autoritate. Unde eadem consequentia elici potest. 3. Illa, in quibus Pontifici reservatur Cura conficiendi Catechismi, concessio Calicis, interpretatio Decretorum suorum, continuatio vel abrogatio Commendarum, cognitione caſuarum Episcoporum. 4. Illa, in quibus conventum est, ut foliis Legatis competenter facultas proponendi argumen-ta discutienda, aut deliberanda, utque Decretis insereretur clausula, proponentibus &c.

SECTO XI.

An Principes aliquam partem habuerint in Concilis Provincialibus post Tridentinum habitis, ad procurandam executionem Decretorum ipsius; & postea quòd aliquam habuerint, an inde elici possit aliquid illi Concilio favorable.

A Postiore Quæſtione exordiemur, quippe, quæ finis sit prioris. Solutio illius Lectorem adducet ad evolenda facta per quæ prior deinde decidetur. Duo autem præsupponenda sunt. 1. Omnia illa Concilia aliquatenus acceperunt Decreta Tridentini; alia expresse sanxerunt executionem omnium illius Constitutionum. Talia sunt Cameracense 1565. Mediolanensis ab anno 1565. ad 1582. habita: Toletanum 1566. Mechlinense 1570. Mexicanum 1585. Avenionense 1594. Aquileensem 1596. Alia suis Decretis pleraque illius Decreta inferuerunt, vel ad verbum, vel æquipollente sermone, sive illud nominatim laudando, sive mentione omisso. Talia sunt omnia Concilia apud Gallos habita, uti per illorum excerpta comprobavimus.

Aliud capit est, quòd non appareat illum Principem Synodis in ditione suâ habitis vitio vertisse, quòd sic Decreta Tridentini accepissent.

His presuppositis, manifestum est multum pondēris adjectum iri Tridentino, si Principes aliquam partem in Conciliis posterioribus habuerint, sive jubendo, sive invitando aut exhortando, ut illa celebrarentur, sive idem permittendo, & precibus Prælatorum annundo, seu denique fanciendo executionem Decretorum ab illis Synodis confectorum; nam sic valide probatur, eos approbavisse Decreta Concilii Tridentini, & consensisse, ut in suâ ditione, vel ex integrō, vel ex parte obſervarentur.

Opera igitur pretium est investigare, an Principes aliquam partem habuerint in Conciliis post Tridentinum habitis, & quænam illa fuerit.

Inter Synodos quarum Principes participes fuerunt laudare non possumus Rhemensem an. 1564, quia non superfuit Instrumento convocationis & publicationis, aut similia in quibus, ut plurimum reperiunt vestigia rei, quam Princeps erga Synodum gesse.

Adjice contumeliam Gallia à Concilii Patribus inustam, qui noluerant Oratoribus Gallicis primas, quas possidebant, antè Hispaniam dare, adeò recentem fuisse, aliasque offensas adeò crudas, ut credibile sit, Rhemensem, de quâ agitur, Synodum sine consensu expresso Regis habitam fuisse, vel hunc tacitè duntaxat consensisse. Aliud est de Cameracensi editâ & habitâ die 3. Auguſti 1565. nam in Instrumento Editionis expresse dicitur, PHILIPPUM II. Hispaniæ Regem, ad quem Provincia Cameracensis tûm pertinebat, excitavisse Episcopos, ut eam celebrarent: *Huius autem editioni nostrae addidit animum invictissimi arque religiosissimi Principis Philippi Regis Catholicæ, omnium opimi ac maximæ pietas (in cuius ditione penè tota Provincia patet) qui cum id fibi vehementer placere ac probari, pro suo erga rem Christianam studio declarasset. &c.*

Sanctus CAROLUS in Oratione, quâ primam Synodum Mediolanensem exorsus est an. 1565. insinuat, Regem